

ՀԱՅԱԳԻՏՈՒԹՅԱՆ ԱՆԽՈՆՋ ԵՐԱԽՏԱՎՈՐԸ

(Հ. Ս. Անասյանի ծննդյան 70-ամյակի առթիվ)

Լրացավ ճանաչված մատենագետի, պատմա-
բանի, րնադրախույզի ու աղբյուրագետի ծննդ-
յան 70 տարին: Նրան լավ գիտեն ոչ միայն մեր
հանրապետությունում, այլև վերջինիս սահ-
մաններից դուրս ապրող հայագետները:



Հակոբ Սեդրակի Անասյանը ծնվել է 1904 թ.
մայիսի 15-ին, Փոքր Ասիայի էսկի-շեհիր քա-
ղաքում, կուտինահայ ընտանիքում: Նախնական
և միջնակարգ կրթությունը ստացել է հայրենի
կուտինայում և Կ. Պոլսում: Ուսումը շարունա-
կելու համար 1919 թ. մեկնել է Վենետիկ: Բարձ-
րագույն կրթությունը (հայագիտական թեքու-
մով) ձեռք է բերել Մխիթարյանների մոտ (Ս.
Ղազար): Այնուհետև տեղափոխվել է Փարիզ,
որ առօրյա աշխատանքին զուգընթաց, զբաղվել
է հայագիտական հետազոտություններով, հոդ-
վածներ տպագրել սփյուռքի հայերեն պարբե-
րականներում:

Փարիզում ապրած տարիներին Անասյանը
բախտ է ունենում մոտիկից ծանոթանալու Ար-
շակ Զուպանյանի և Ավետիք Իսահակյանի հետ:
Հայոց պատմության, հայ մատենագրության և
գրարարի իր հիմնավոր իմացությամբ, ինչպես

ևսև մայր հայրենիք մեկնելու մեծ փափագով,
երիտասարդ հայագետը արժանանում է մեր
մշակույթի երկու նշանավոր գործիչների ուշա-
դրությանն ու բարյացակամ վերաբերմունքին,
որոնց անմիջական աջակցությամբ էլ նրան հա-
ջողվում է 1936 թ. ներգաղթել Սովետական Հա-
յաստան:

1936—1942 թթ. Անասյանը աշխատել է Երե-
վանի պետական համալսարանում. սկզբում որ-
պես վերջինիս գրադարանի մատենագիտական
րաժնի վարիչ, իսկ հետագայում որպես նույն
համալսարանի պատմության ֆակուլտետին կից
ն. Մառի անվան կարինետի գիտական աշխա-
տող:

1941 թ. զորակոչվել է կարմիր բանակ: Մաս-
նակցել է Հայրենական մեծ պատերազմին (ի
դեպ, նրան շնորհվեց «Սովետական Միության
զինված ուժերի 50 տարին» հոբելյանական մե-
դալ): 1947 թ. մինչև օրս աշխատում է Հայկա-
կան ՍՍՀ գիտությունների ակադեմիայի պատ-
մության ինստիտուտում:

Հ. Ս. Անասյանի գրչին են պատկանում հայ
միջնագարի սոցիալ-քաղաքական կյանքի և հո-
գեոր մշակույթի շրջապանված խնդիրներին
նվիրված բազմաթիվ ինքնատիպ պատմա-բա-
նասիրական հետազոտություններ, որոնք բարձր
գնահատականի են արժանացել հայագետների
շրջանում:

Այդ հետազոտություններից առաջին հերթին
պետք է հիշատակել հեղինակի «17-րդ դարի ա-
զատագրական շարժումները Արևմտյան Հայաս-
տանում» (1961 թ.) գիրքը, որ նոր և հարուստ
նյութերի հիման վրա ցույց է տրված, որ տա-
կավին XVII դ. 60-ական թվականներից արև-
մտահայության մեջ ազատագրական շարժում
էր առաջ եկել թուրքական տիրապետության գեմ՝
օրգանապես կապված հույների, ասորիների և
Վրաստանի ժողովուրդների շարժումների հետ:

Նոր, անտիպ նյութերի հիման վրա կատարված
մի ուրիշ արժեքավոր ուսումնասիրություն է հե-
ղինակի՝ «Վարդան Այգեկցին իր նորահայտ եր-
կերի լույսի տակ» (1969 թ.) աշխատությունը,
իր այս գործով Հ. Ս. Անասյանը հաստատում է,
որ մեզանում ցարդ միայն որպես առակագիր ու

քարոզիչ հայտնի վարդան Այգեկցին եղել է նաև հայտնի հասարակական, քաղաքական ու մշակութային դեմք, կարևոր գործ է կատարել իր ապրած ժամանակաշրջանի հայ կյանքում:

Նմանօրինակ հետազոտություն է նաև Հ. Ս. Անասյանի «Հայ համաքաղաքացիական զբաղվածությունը և հայ մատենագրության համաքաղաքացիական շրջանը (1972 թ.)»: Այս աշխատության մեջ առաջին անգամ մեզանում հանգամանալից քննության առարկա է դարձել համաքաղաքացիական պատմությունը Հայաստանում V դ. մինչև մեր օրերը, առաջ է քաշված հայերեն կրոնական ու աշխարհիկ բնույթի համաքաղաքացիական կարևոր դերի հարցը հայ քննական-հետազոտական մշտնջենական գործում, ինչպես և վեր է հանված այն միտքը, թե հայ մատենագրության ընդհանուր համաքաղաքացիական ստեղծումը, որի համար ներկայումս աշխատանքներ են կատարվում Հայաստանի գիտությունների ակադեմիայի հասարակական գիտությունների բաժանմունքի նախաձեռնությամբ, աղբյուրագիտական անգնահատելի նշանակություն ունի՝ նոր նյութեր և ուսումնասիրություններ, նոր ուղիներ ցույց տալով Մեծավոր Արևելքի, Հյուսիսային Աֆրիկայի, Եվրոպայի միջին-արևելյան մասի, Հարավային Ռուսաստանի և Կովկասի պատմության, առևտրական ու տնտեսական կյանքի մի շարք մոթկողմերի լուսաբանման համար:

Պատմա-բանասիրական կարևոր հետազոտություններ են Հ. Ս. Անասյանի՝ «Նպաստ մը հայոց ազատագրական պատմության» (1934 թ.), «Թուրքական տիրապետությունը Հայաստանում 18-րդ դարում» (1951 թ.), «Ռուսահայերի ուսմանը թարգմանությունը» (1954 թ.), «Հայկական աղբյուրները Ռուսահայերի անկման մասին» (1957 թ.), «Հովհաննես Կամենեցու՝ Պատմություն պատերազմին Խոթինում» (1964 թ.) և այլն:

Հայագետի գլուխգործոցը, սակայն, նրա հրաշակավոր «Հայկական մատենագիտությունը» է, որն ինչպես ծավալով, այնպես էլ արժեքով առանձնակի տեղ ունի հեղինակի հայագիտական բոլոր գործերի շարքում (առաջին հատորը լույս է տեսել 1959 թ., երկրորդը՝ մամուլի տակ է և լույս կտեսնի ընթացիկ տարում: Հիմնականում պատրաստ է նաև մյուս չորս հատորների նյութը, որոնք հաջորդաբար կտպագրվեն առաջիկա տարիների ընթացքում):

Հայոցն ծրագրված այս աշխատությունն իրականացնելու համար Հ. Ս. Անասյանը տասնյակ տարիների ընթացքում հետադուր է հայ առաջին տպագիր գրքից (1512 թ.) մինչև մեր օրերը հրատարակված հայատառ բոլոր մատենագրական աղբյուրները, XIX—XX դդ. լույս տեսած քննական ուսումնասիրությունները, հայ և

օտար պարբերականներ, Երևանի Մաշտոցյան մատենադարանում և այլուր պահպանվող հազարավոր հայերեն ձեռագրերը և վերջիններիս հավաքածուների տպագրված ու անտպագրված ցուցակները:

Գիրքն ընդգրկում է V—XVIII դդ. հայոց պատմությունը, գրականությունը, փիլիսոփայությունը, բերականությունը, բնագիտությունը, բժշկությունը, իրավունքը և այլն, Մեսրոպ Մաշտոցից մինչև Սայաթ-Նովա:

«Հայկական մատենագիտությունը» մեջ ամփոփված են հայ ժողովրդի մշակութի ու գիտության հուշարձանների ուսումնասիրության բնագավառում Հ. Ս. Անասյանի կատարած երկարամյա պատմա-բանասիրական պրպատմաների արդյունքները: Ելնելով մատենագիտության պահանջներից՝ հեղինակն այստեղ գիտականորեն բնութագրելու և գնահատել է այդ հուշարձանները (հոգևոր ու աշխարհիկ, ինքնուրույն ու թարգմանական), տվել դրանց բանասիրական ամփոփ վերլուծությունը աղբյուրագիտական և բնագրագիտական տեսանկյունից: Նշել դրանց վերաբերյալ ինչպես առանձին գրքերով, այնպես էլ պարբերական մամուլում՝ «Եղած» քաղաքագրական գրականությունը, դիրքորոշել բանասերների՝ հայագիտության լուսաբանության կարող հարցերի ուղղությամբ:

Հարկ է հատուկ ընդգծել այն հանգամանքը, որ Հ. Անասյանը չի սահմանափակվել մատենագիտական վաստեղի սոսկական արձանագրումով, Իր նյութի նկատմամբ նա ցուցաբերել է ըստ ամենայնի քննական մոտեցում, մի դեպքում ընդունելով, մյուս դեպքում մերժելով այս կամ այն կարծիքը և փոխարենը առաջ քաշելով ու հաստատելով իր տեսակետը կամ վարկածը, երևան է հանել մինչև այժմ անհայտ մնացած շատ նոր նյութեր:

«Հայկական մատենագիտությունը» Ա հատորի մատենագիտական հոգվածներից այս առումով առանձնապես արժեքավոր են Անանիա Շիրակացուն, Ազաթանգեղոսին, Ամիրդովլաթին, Ազարիա Զուղայեցիներին, Աղվանից պատմությունը, վարքաբանական գրականությունը, Անկանոն կամ անվավեր գրքերին նվիրված հոգվածները:

Անուրանալի է նաև հատորի ընդարձակ ներածության արժեքը: Այստեղ արծարծված և լուսաբանված են մատենագիտության համար ընդհանրապես և հայ մատենագիտության համար մասնավորապես էական նշանակություն ունեցող ժանրային, պատմական, մեթոդաբանական և տեսական մի շարք կարևոր հարցեր:

«Հայկական մատենագիտությունը» միայն հայագետների համար չէ, որ օգտակար է: Այն արժեքավոր նյութեր է պարունակում նաև կով-

Ֆրանսիացիներին, արևելագետներին և պատմության ու բանասիրության խնդիրներով զբաղվողներին համար առհասարակ, քանի որ հայ մատենագրությունը, ինչպես հայտնի է, քիչ տեղեկություններ չունի պահպանած Հայաստանի հատկանիշներին, որի շարք երկրների ու ժողովուրդների կյանքի ու մշակույթի վերաբերյալ ևս:

Իր ընդգրկած հարուստ նյութով, այդ նյութի գիտական մշակման ու մատուցման բարձր մակարդակով Հ. Ս. Անասյանի «Հայկական մատենագիտությունը» մի նոր ու աննախընթաց աստիճան է մատենագիտական ավանդույթներով հարուստ հայ դրականության մեջ: Այդ են հաստատում այն բնագույնությունն ու գնահատականները, որին արժանացավ գիրքը ինչպես Հայաստանում, այնպես էլ նրա սահմաններից դուրս:

«Հայկական մատենագիտությունը» իրավացիորեն որակվեց իրեն «նշանակալից երևույթ և լուրջ ներդրում սովետական հայագիտության մեջ» (Հայաստանի ակադեմիայի պատմության ինստիտուտի հանձնարարականից), «Անփոխարինելի ձեռնարկ հայ միջնադարը հետազոտողի համար» («Известия» АН СССР, т. 19, 1961, стр. 540—542), «Մեծ կարևորություն ներկայացնող աշխատություն ոչ միայն հայագիտության, այլև միջազգային գիտության համար» («Вопросы истории», 1962, № 10), «Հայերեն մտահղացված, սովոր և շահագանց կարևոր հրատարակություն» (ակադեմիկոս Ա. Գ. Շանիձե), «Խոշոր ներդրում արևելագիտության բնագավառում» (պրոֆ. Ս. Տեր-Ներսիսյան), «Իսկական մի գանձարան հայկական հին դրականության ու պատմության զբաղվողների համար» (պրոֆ. Ժերար Գարիտ) և այլն:

Հ. Ս. Անասյանի բոլոր աշխատություններում, մասնավորապես նրա կոթողային «Հայկական մատենագիտությունը» մեջ լավագույնս արտահայտված են հայագետի բնածին տաղանդը, քաղմակողմանի իմացությունները, նրա ինքնա-

բուխ նվիրումը հարազատ ժողովրդի դարավոր կյանքի ու մշակույթի ուսումնասիրության շնորհակալ գործին, այդ կյանքի ու մշակույթի անկոխ ու դժվարամատույց ուղիներով քայլելու կամք ու պատրաստականություն, ինքնամոռաց աշխատասիրություն և օրինակելի կազմակերպվածություն. նաև՝ պահանջկոտություն իր հանդեպ, նորը ձեռք բերելու մշտական ձգտում, մշտածողություն պարզություն, գրելառճի հստակություն:

Հ. Անասյանի գործի բնութագիրը լրիվ չէր լինի, եթե մենք սահմանափակվեինք նրա գրած գրքերով միայն: Վերջիններիս շնորհիվ տարիներին ընթացքում արժանի հեղինակություն շահած գիտնականը խորհրդանշել է հայոց պատմության ու մշակույթի յուրահատուկ կենդանի հանրագիտարանի, Համապատասխան նյութեր ու ցուցումներ ստանալու համար նրան հաճախ են դիմում Երևանի Մաշտոցյան Մատենադարանի, ակադեմիայի պատմության, գրականության և մյուս ինստիտուտների, հանրային գրադարանի և հանրապետության գիտական ուրիշ օջախների երիտասարդ և տարեց հայագետները: Նույն նպատակով նրան իրենց նամակներն են հասցնագրում նաև արտասահմանի հայ և այլազգի գիտնականները: Իր հասարակական պարտքը և աշխատանքի կարևոր օղակներից մեկը համարելով հիշյալ դիմումներին պատասխանելու գործը, Անասյանը իր սուղ ժամանակից չի զրլանում բաժին հատկացնելու նաև այդ գործին, աշխատելով րանիվ կամ գրչով գոհացում տալու իրեն դիմողներին:

Այսպիսին է ահա Հակոբ Անասյանը իր կենսագրության ու վաստակի բնութագրի հիմնական գծերով: Հայագիտության անխոնջ նվիրյալին, նրա ծննդյան 70-ամյակի առթիվ, ցանկանք քաջառողջություն և հոգեկան կորով իր ստեղծագործական ծրագիր-մտահղացումները ժամանակին ու անխափան իրացնելու համար:

Ա. Տ. ՂԱՆԱԼԱՆՅԱՆ
ՀՍՍՀ ԳԱ ԲՊԳԱԿԻԳ-ԱՆԳԱՄ